

# 北洋官報

目錄

宮門抄  
 上諭  
 交旨  
 奏議◎陸軍部奏絲營補缺彙奏辦法摺△陳撫吳奏黃河三福安濶循例彙保摺△科布多大臣錫奏哈薩克租馬作為定額摺  
 公摺◎督憲札二件△饒陽縣粟一件△董事會申一件  
 文告五則△電報七則△新聞十則  
 彙編◎韓政漁業法△灤州官礦地公司地股合同  
 戊申官報目錄

本 日 增 刊 戊 申 官 報 目 錄 一 頁

## 本局廣告

本報要件一門現於正月十八日起改為北洋官報彙編分章程調查兩種各自為冊每日另刊一頁蟬聯而下以便拆釘成書其有特別緊要之件必須隨到隨登者仍照舊刊列要件以快先觀而免挨延

## 宮門抄

正月十八日 林紹年前往

東陵請

訓 溥頤假滿請

安

增祺假滿請

安

岐公請假

十日

陸軍部奏派查齋大臣

派出秦綬章

恒順 慶綿

誠全

岳樑

玉璋

都浚阿

色楞額

召見軍機

吳士鑑李灼華陳慶桂各遞封奏一件

## 上諭

正月十八日閣抄奉

上諭吏部奏遵旨嚴議處分一摺郵傳部尚書陳璧著照部議即行革職欽此  
 上諭郵傳部尚書著李殿林暫行署理欽此 監國攝政王鈐章 軍機大臣署名

## 交旨

正月十八日 軍機大臣欽奉

諭旨給事中李灼華奏國文將廢中學就湮擬請暫復歲科兩試一摺又片奏學堂腐敗請量爲變通以除積弊等語均著學部議奏欽此

諭旨大理院奏接收旗地控案酌擬辦法開單呈覽一摺知道了欽此

### 奏議錄要

陸軍部奏酌擬綠營補缺彙奏辦法摺

奏爲核覆綠營補缺摺件過多酌擬按月彙奏辦法恭摺仰祈 聖鑒事竊查各省新軍逐漸成立應行籌備事宜頭緒日繁奏件日多而綠營武職請補員缺由臣部核覆者綜計此項奏牘每月多至數十件似不足以昭簡易臣等公同商酌嗣後此項奉 旨交議摺件擬請按月核覆分別准駁繕單具奏並比照月選官缺成案以每月二十日爲截止日期自二十一日以後即歸入下月核辦庶於簡明之中仍寓限制之意謹擬辦法七條另繕清單

恭呈 御覽如蒙 俞允擬自宣統元年正月爲始遵奉施行其有奉 特旨交議之件仍遵照定例隨時專摺議覆勿庸歸入彙奏辦理所有臣等酌擬綠營補缺彙奏辦法緣由謹恭摺具陳是否有當伏乞

皇上聖鑒訓示謹 奏光緒三十四年十二月二十六日奉 旨依議欽此

謹將酌擬綠營武職補缺彙奏辦法繕具清單恭呈 御覽 計開 一擬自宣統元年正月起實行辦理彙奏

如以前尙有未結之件擬仍另摺辦理不在本月彙奏之內俾免前後混淆 一每月由初一日至二十日所有接

到摺鈔擬作一案彙奏自二十一起接到摺鈔或候履歷或查核保案即歸於下月辦理以每月三十日爲辦結

期限以便易於稽核 一每月彙奏一次無論件數多寡擬分兩摺辦理核准之員爲一摺核駁之員爲一摺均隨

摺繕單以清眉目 一各省奏補員缺往往並不隨摺咨送履歷除實缺升補及曾經送到履歷之員均可隨時核

議外其有必須候履歷者即併入彙奏議駁稿內催取 一補缺之員如該省漏叙考語名次或年歲名字不符等

項擬仍隨時行查 一奏催履歷之員該省於某月咨到履歷即併入某月彙案辦理如係二十一日以後咨到尙

須查核則併入下月辦理 一水師補缺摺件亦擬照此辦理仍分別各項水師隨時核覆彙案具奏

河南巡撫吳重憲奏黃河三廂安瀾循例彙保出力各員摺

奏爲黃河三屆安瀾循例彙保歲修河防兩案尤爲出力文武員弁謹繕清單懇 恩施獎勵恭摺仰祈

聖鑒事竊照豫省黃河兩岸修防及經理河防另款辦工尤爲出力各員定例兩年彙保一次歲修河防兩案定數各准保獎文職二十員二共准保文職四十員武職則擇尤酌量請保並無定額前於光緒三十二年經政務處會同各部嚴定限制保舉新章將河工例保改爲三年一次每案文職不得過十員武職奏咨併計不得過十員奏明行令遵照辦理臣因河工自光緒三十一年奏獎以後本年已屆三年應保之期當於奏報霜降安瀾摺內聲明擬請將歲修河防兩案向保四十員者援照山東彙保四十員准保二十員之例減半列保合計兩案不逾二十員之數較之舊額業已大爲減少與新章每案十員仍屬相符其武職人員亦當遵照新章辦理於光緒三十四年十月初一日具奏欽奉

上諭著照所議辦理等因欽此欽遵在案伏維河工修守關繫 國計民生至爲重大必須羣策羣力上下防範周密方能保護無虞三年以來每當伏秋大汛河水異常盛漲兩岸險要環生均經在工文武員弁及河防辦工各員隨時酌度機宜分投竭力搶護奔走於風雨黑夜泥淖赤日之中皆能不避艱危力與水爭洶屬異常勤奮近年各廳一遇險工無不立即保護平穩未至釀成巨患實賴各員迅赴事機搶護得力之所致其勞績殊不可泯卽地方沿河州縣亦皆不分畛域幫同催料集夫克勤其事均屬著有微勞據開歸河北二道分別繕具銜名清摺稟請奏保前來臣查保獎爲鼓舞人材之具河工重在用人昔年保案並無定額且係一年奏保一次嗣後改爲兩年一保復各定以額數限制本屬綦嚴今新章改爲三年方准奏保一次年限愈久則在事出力各員人數愈多惟有從嚴切實刪減擇其實在尤爲始終勤勞卓著者遵照奏定減半之數計歲修河防兩案統共彙保文職二十員武職則僅保九員均按尋常勞績擬給獎叙實已毫無冒濫謹分繕清單恭呈 御覽合無仰懇 天恩俯准照擬給獎以示鼓勵出自 逾格鴻慈除循例飭取各該員弁履歷咨部查核外理合恭摺具

陳伏乞

皇上聖鑒謹 奏宣統元年正月初七日奉 旨該部議奏單三件併發欽此

謹將豫河三屆安瀾辦理兩岸歲修工程及防守大汛尤爲出力文職各員繕具清單恭呈 御覽 計開 過班河南補用知府開缺鄭中河通判陳均請俟補知府缺後以道員用 在任候補知府上南河同知黃家駒請俟

補知府後以道員用 鄭州直隸州知州葉濟請以知府在任候補 知府用在任候補同知中河通判文銓請俟補同知離任歸知府班後加三品銜 署祥符縣知縣調補淮甯縣知縣舒樹基請以直隸州知州在任候補 知府用豫河候補同知王廓請以同知本班前補用 知府用在任候補同知署祥河同知豫河裁缺即用通判薩爾安請俟補同知離任歸知府班後加鹽運使銜 在任候補知府下北河同知李湘請俟補知府後以道員用 豫河試用同知孔昭慈請俟補缺後以知府用 同知銜代理陽武縣事優貢知縣郝增祁請俟補缺後以同知直隸州補用宣統元年正月初七日奉 旨覽欽此

謹將豫河三屆安瀾辦理歲修河防各工及防守大汛尤為出力武職員弁彙繕清單恭呈 御覽 計開 在任候補都司豫河營上南河守備李明遠請加游擊銜 四品銜懷河營黃沁協守備衡萬清請 賞給四品

封典 歸德左營守備松濤請俟補都司後以游擊用 鄭上汛把總朱文明請以千總在任候補 武滎汛把

總苗恩錫請俟補千總缺後加四品頂戴 中牟下汛額外委朱玉忠請俟補分防後以把總用 記名驍騎校

蘊程請俟補缺後以防禦即補 目兵李金鐸請以外委補用 目兵路鴻年請以外委補用宣統元年正月初七日奉 旨覽欽此

謹將豫河三屆安瀾經理河防另款辦工防險尤為出力文職各員繕具清單恭呈 御覽 計開 在任候補知府下南河同知姚詩富請俟補知府後以道員用 在任候補通判試用州同准借補鄭州直隸州州判林履坦

請俟補通判後以同知用 試用縣丞鈕鏊庚 試用縣丞邵繼鑿 試用府經歷鹿學湘 豫河試用縣丞金璋

豫河試用縣丞李汝寅 以上五員均請俟補缺後以知縣用 布庫大使職銜任善均請以布庫大使不論雙

單月儘先選用 縣丞職銜趙壽奇 縣丞職銜童杰 以上二員均請以縣丞不論雙單月儘先選用宣統元年

正月初七日奉 旨覽欽此

科布多辦事大臣錫奏試收哈薩克租馬請作為定額摺

奏為試收哈薩克租馬已屆兩年尙無窒礙擬請作為定額恭摺仰祈 聖鑒事竊查阿爾泰哈薩克性情剽悍

譎詐異常迥非伊塔屬哈之比塔城初辦租馬尙有藉口災疫交未足額情事是以奴才於光緒三十二年八月

奏請歲收租馬四百匹時曾經聲明試辦在案竊幸兩年以來該哈目等尙知嚶嚶向化野性漸移感荷

朝廷

參養之恩如數爭先交納雖其中不無老弱疲瘦然察其情出至誠殊非奴才初料所及茲據行營營務處呈報計光緒三十二三十三兩年共收租馬八百匹內除照章分撥土爾扈特親王一成馬八十匹新設南路驛站馬九匹變賣口老疲瘦馬一百二十匹報倒馬二百三十一匹餘四釐外實存租馬二百七十八匹餘六釐其兩年變賣馬匹每匹按例價八兩共收湘平銀九百六十兩又三十二年報倒馬匹內以三分定例核算計逾額倒斃馬四匹責令該管人員賠繳例價銀三十二兩兩次共收銀九百九十二兩內除照章動支兩年收馬員役津貼銀七百二十兩外實存湘平銀二百七十二兩另款存儲等因並由該處分年造具清冊呈請核辦前來當經奴才批飭將所存馬匹酌撥牧場妥爲牧放以備撥補驛站例倒之馬其報倒馬匹擬照塔城辦法飭令繳驗皮張存備各屯補修農具之用藉杜弊竇伏查此項租馬現已試收兩年毫無窒礙應懇 天恩俯准作爲定額 飭部立案嗣後應否加增隨時酌量情形 奏明辦理每年均限於八月內收齊扣至次年八月底屆滿一年核計例倒並撥賣數目造冊報部並照伊犁章程每年由奴才派員稽查勤惰倒斃不逾定額者官員議叙兵丁記名若疲瘦倒斃逾額者著照數賠補外官員參處兵丁責懲以重馬政而歸畫一除清冊前已咨部外所有試收租馬情形並懇作爲定額緣由理合恭摺具陳伏乞 皇上聖鑒訓示謹 奏光緒三十四年十二月二十六日奉 旨該部知道欽此

### 公牘錄要

督憲楊准崇文門咨設張家口分局請飭該縣協助辦理札飭萬全縣遵照文

爲札飭事光緒三十四年十二月二十七日准 崇文門商稅事務衙門咨開本月十九日准貴督文稱據萬全縣

饒令懷義稟稱於光緒三十四年十一月十七日蒙崇文門商稅衙門札飭除茶布羽貨外尙有應徵貨物卽照分局開去清單示諭各行遵照過路章程按則五成上稅等因當經覆查單開各項多係向不徵收之貨未奉憲台轉飭又未奉崇文門督理明文事關重徵商民未必樂從前察哈爾都統奏設煤炭柴草四項官行棧幾致釀成罷市懲前毖後是以不敢率行出示等因稟由貴督轉咨前來查該令所稟各節亦係慎重公事之道惟是本衙門添設

張家口分局之初向因南來茶布羽貨須由運河以達東壩分局完納稅項後始准運赴張家口地方行銷其查無東壩驗票者卽令照章補稅至洋廣糖雜等貨仍由東壩京城附近一帶運往該口者本係崇文門並各分局已稅之貨起有單票爲憑故經過該口分局時但查驗單貨相符隨卽放行不再重徵近年火車通行京張鐵路已逾南口商人紛紛取巧任意繞越本衙門正在整頓稅務勢不得不飭令該口分局凡係繞越改道查無崇文門及各分局稅過之票者概令補納半稅亦與從前補徵茶布羽貨同一用意所以重國課杜奸巧也今該令稟稱中國土物與洋布羽貨不同若貨物已到運銷地方既須赴張家口監督衙門報納落地之稅又須赴該分局照交過路減半稅一貨二稅迹近重徵是該令祇知其一不知其二查從前凡崇文門東壩應稅出口之貨如山西烟絲易州烟葉京西京北運口山貨山東粗布土綢繭綢山西河南綢貨絲綢保定府高陽洋綫京西南自織寬布及洋廣糖雜等類近均改由梨兒嶺四十里峪地方逕赴張家口分銷前項稅課遂至無著可見外省商貨近年始不經崇文門報稅初非向來卽不經崇文門也飭其補納是補徵崇文門漏越之稅非重徵張家口監督之稅也卽如茶布羽貨三宗崇文門在該口補徵已久該監督亦同稅其貨從不聞一地兩稅之說况張家口分局祇補徵向日經由崇文門東壩出口各貨之稅不過十數種至進口之百貨以及出口之宣化府烟葉蔚州白麻紙並向不經由崇文門東壩之貨均未飭該分局徵收與張家口監督無論出進口百貨一律徵課大不相同總之商販運貨今昔情形迥殊彼既多方漏越我卽不能不設法補救值茲時艱款絀國課所係本衙門亦與有責成明知事屬勦辦商民重利豈肯遽樂輸將是在地方賢有司相與維持以期於事有濟相應據實咨覆希卽迅賜轉飭該令力任其難俾重稅款而維大局實紉公誼等因到本大臣准此合行札飭札到該縣卽便查照

督憲楊准順天府尹咨撥款修築河堤札飭水利賑撫兩局遵照文

爲札飭事光緒三十四年十二月三十日准順天府尹咨開案據大城縣邱令鴻光詳稱該縣紳董傅崇山等聯名稟稱竊黑龍港河西堤自光緒二十七年被子牙河水冲毀皆如平地數年未修情因今年七月間黑龍港河上游數十道小河係數州縣之瀝水河水皆至大邑西空城村匯流同歸黑龍港一河水勢洶湧三四日已出岸生等督率民夫晝夜搶護平穩不致有失幸子牙河水尙未出槽倘若兩河之水同時汎漲工險段長苦無椿料其將

搶護黑龍港河西堤耶其將搶護子牙河東堤耶人夫實難兼顧數十年來屢歲春修秋防各前縣諭飭生等駐局經理查黑龍港河西堤自朱家村北起至空城村南止工長二千七百餘丈民力實難自任請籌款修築等情到府據此本衙門查黑龍港河西堤年久失修工段綿長該縣民情困苦力有未逮自係實在情形應由水利局派員勸估賑撫局籌款撥發俾資修築以衛民生除詳批示並分行外相應咨明貴督部堂請煩轉飭查照核辦可也等因到本督部堂准此合行札局即便查照辦理此札

饒陽縣徐令永棨稟到任後查看地方一切情形文並批

敬稟者竊卑職齊東下士冀北微員仰沐 憲恩補授斯筭叩辭後即束裝馳抵饒邑於十一月二十六日接印任事伏查饒邑水陸衝衢東南要轄人民狡詐詞訟紛紜卑職雖遠涉重洋藉資新法惟慚驚下難語鴻猷且現在政治維新尤不容墨守舊章苟安小就即如學堂巡警卑職已先後調查務就本地習慣求合現定章程庶士知絃誦人盡菁莪盜鮮鷄鳴村無厲吠他如諮議局經費伊始選舉必當其人統計處創設甫成籌畫務權其要此皆饒邑關心之事切近之圖卑職已與公平紳士籌議再三以期次第舉行悉臻完善所難者饒邑爲滹沱河經過之處上游散漫下游壅塞頻年水患粒食維艱苟非聯合上下隣縣同力修築斷不能一勞永逸無如一切辦理新政之款其籌於民間者負擔已重類皆觀望不前以致款短事繁無從著手然卑職不敢知難而退惟有將應辦事宜力圖振作務使士民感化闔境逸安以仰副 憲懷屬望殷殷之至意所有卑職感激下忱並視事緣由擬合稟請 大帥查核肅此敬請 鈞安

督憲楊 批據稟已悉仰將地方一切事宜認真經理實力籌辦毋稍因循貽誤此繳  
天津縣董事會申津海關道文

爲申請事案查海河裁灣取直河淤地畝前經天津府縣會擬除已招民認墾納租充勸學所常年經費計地七頃餘畝外其餘淤地變價充自治局經費詳奉 督憲批據稟已悉該府縣擬將海河南岸淤地勘丈變價充作自治局經費既與自治要政有裨又與勸學所常年經費無損事屬可行仰即遵照辦理等因嗣交由議事會查明碍難變價請交董事會辦理招租開墾事宜移經天津縣尊據情詳蒙天津府憲批示如詳辦理仰即轉移議事會查照

等因卽由議事會將此案全卷移交做會辦理各在案查海河兩岸淤地自挂甲寺村至鹹水沽延長六十餘里計地三十頃有零做會以自治局經費所關業經擬定招租辦法公布週知詎光緒三十四年十一月二十三日准議事會函稱據李家樓等村蘇兆瀾等呈遞說帖陳述海河工程局種樹佔及民田各節請併入海河裁灣取直案內一併調查等因當經前往李家樓桃源沽小辛莊一帶查勘該處河已淤平并無河流其河身附近淤地均被海河工程局種榆柳樹數萬株本年正月初六日海河工程局復出告示言前在第三段廢河石礎以內栽種小樹現擬通裁以備保護河岸並派人巡查看守等語竊思該處廢河及兩岸淤地卽經李家樓等村民在縣署聲明認墾納租充勸學所經費且海河淤地係奉 督批充作自治局經費各在案該工程局何得率行佔地栽樹致碍蘇兆瀾等墾種惟此項淤地認墾收租經地方官移交議事會轉交做會辦理該工程局或有不知應請憲台知照該工程局聲明前項辦法將本年正月初六日告示撤銷並催其將所種樹株一律移淨以便該租戶等種地納租否則工程局自由佔地做會辦理淤地出租事宜必至多生轉轄於提解自治局經費大有妨礙所有做會辦理海河淤地招租請知照海河工程局將告示撤銷並催將李家樓等處淤地所栽樹株移淨以便墾種緣由相應備文申請憲台查照辦理並祈迅賜施行實爲公便須至申者

### 文告錄要



督憲批示錄要○賑撫局水利局詳委員挑浚武清縣桐林橋上鳳河淤灘工程長丈土方工價銀錢數目册請核銷由 批如詳准銷册摺存此繳○北洋官電局詳每月撥發 憲署報房領款及保定電局津貼擬請改撥停支由 批據詳已悉該局每月所發本署報房經費銀二百五十二兩五錢應准如數改撥候飭支應局查照接支並由該局開單移知查照至保定電局津貼一款應自本年正月分卽行停支以節糜費並候飭遵此繳○京張鐵路局詳鷄鳴山贖購用炸藥請飭關給照由 批詳悉此項炸藥已經電准 陸軍部核覆應准照數購辦候飭津海關道照章給照仰仍將所購價值數目詳細核覆報部此繳

保定工巡總局告示○爲出示曉諭事照得本月上元節期尙在國喪百日之內一切筵宴均皆停止至演戲等事尤在禁止之內爲此合行出示曉諭軍民人等知悉凡有燈籠獅子以及一切燈會一概不得隨意游演倘敢不

遵定卽照例拿辦慎毋故違致干法紀切切特示

保定官話字母學堂招生廣告○第一號城內東街火神廟第二號西關外祝家莊有願學者陸續報名無論老幼皆可入學分文不取

保定南關英文學堂招生廣告○爲招考事照得本堂自開辦以來教授認真因來學者日多幾有人滿之勢近特建造講堂增添齋舍擬再添招新班以副來學者之望有志英文者請到本學堂報名可也 一年齡年在十四歲以上二十歲以下文理粗通者爲合格 一學額此次招考新生以五十名爲定額 一學膳費學生均在堂中寄宿每月學費洋三元膳費三元五角每年按前後二期交納 一課程本堂教授分漢文英文算學體操等門類 一畢業年限本堂定以四年畢業考驗後發給本堂畢業文憑欲赴西洋留學者由本堂咨送否則在內地位置鐵路事宜 一報名期限自正月十七日起至二月初二日止過期不取

附錄天津官事○游擊銜都司吳都戎廷傑奉 督憲札委署通永鎮標山永協樂亭營都司篆務

## 電報錄要

路透電○美國喀拉佛尼亞省法院訂立表式另立學堂專爲日本學生留學地步後又提議再訂辦法美總統盧斯福氏電致該省知事謂此表甚非憲法所應爲聞該知事亦電致該法院請另訂表式因該表於日本邦交大

有妨碍現該法院會議擬至西二月十號即停止會議

又電○英京太晤士報駐哥倫布訪員報告該處因上海開辦萬國禁煙會將前訂之表作廢現甚望該處於年前將表重爲議訂

又電○英國陸軍部聲稱現在聯合保險公司之辦法已經決定所有各執事人均於西三月一號以後入公司視事該公司所辦之事均與陸軍聯絡一切執事如有要事請假均支薪水

又電○土皇現致意見書於奧國不允奧國改訂奧土之約聞奧土兩國會議俄國於西二月二號提議之辦法擬竭力抗拒

柏林電○奧國議院因有阻力暫停會議

又電○南美洲巴西國輪船公司現在停止英美兩國航業家擬將巴西航業歸併英美輪船公司  
又電○美國紐約商會與司達希丁公司設筵招待德國駐美新任公使伯恩道夫伯爵伯氏極力演說德美邦交  
之親密美人均甚歡迎

## 新政紀聞

政治

通飭舉辦法制調查○鄂督陳小帥以法制調查爲 特旨飭辦要政鄂省惟有隨州一區已照章委員舉辦其餘或誤會舛錯或遲延觀望刻特嚴定考成通飭各屬一體趕速舉辦並令調查局隨時查明各州縣勤惰分別獎叙撤差以示勸懲

札行委選道府新章○粵督張安帥准吏部咨略稱現當整頓吏治之際所有各屬道府等選缺尤關緊要查向來辦法係一次咨部兩次留缺者概照兩次留缺辦理未足以昭平允嗣後遇有缺出無論何項人員均應一次咨部一次留缺委選以免偏倚等情已札行藩司查照

學務

變通小學畢業○部定初等小學畢業本係五年惟在堂之生已屆八學期并前在家塾讀書已數年入校以來程度已與小學畢業章程相合者亦應變通辦理江督端午帥近據京口八旗各學堂總理王令宗炎稟稱該旗初等小學三處甲班生之入校已滿四年者皆與初等小學畢業程度相符與尋常縮短年限稟請畢業者不同應予變通辦理午帥已准如所請批行蘇學司轉飭該總理切實考試具報

札飭延聘女教員○浙省湖州吳興女學校監督沈毓麟部郎近准湖州府錫太守照會奉提學憲札開各屬女子小學堂現已逐次稟報成立女子性質及將來生計與男子不同教育亦異各屬雖照定章辦理然中國女學甫在萌芽並鮮合格女教習不免參用男教員其間雖有聘用女師於教授管理諸法未必盡善辦理難期妥善關係女學前途甚鉅茲查省城女子師範學生本年業已畢業成績可觀該堂係公立學堂各生均應擔任義務各屬現設女學堂自應擇其程度相當之生一律延用免滋流弊仰府轉飭一體遵照云

軍政

陸軍鎮協更換肩章○鄂軍統領張虎臣統制以現值新年恐各營兵士肩章朽壞有損軍容特飭工作廠製就金小肩章頒發第八鎮暨二十一協正副目兵一律更換以增形式上之精神

派員購運鎗枝○鄂督陳小帥准川督趙次帥咨稱敵省現因添編新軍需用洋鎗二千枝業已派委候補知府高學清來鄂在漢陽鎗砲廠採辦運回應用並已填給印照當由該員稟請轉飭各關卡查驗放行以免留難云

民事

飭造開散旗丁表冊○江蘇京口副都統奎仲連統制現奉江甯將軍清留守札開准變通旗制處王大臣電稱本處業已決定設立八旗實業學堂添設工藝廠以爲旗民資生之計惟各省駐防旗丁數目多少不一該營原有莊田牧廠及附近州縣有地可購者自當遵照前年八月間諭旨切實辦理如或本省無地可授向有素無營業之閒散旗丁若干名亟應分別調查編造表冊詳細咨覆以憑妥慎核辦等因准此相應札行該都統遵照辦理云

禁種鴛粟之辦法○川督趙次帥以各屬種煙之地多者數萬畝至少亦不下千畝若僅逐成遞減爲日太長且或誤認減種爲虛文斷難一律淨盡因於日前飭司轉飭各州縣如於宣統元年內全數減盡而民不擾者分別畝數多寡准由司詳請優予獎勵如或奉行不力造報失實一經查出或被入告發定行撤參不貸

商務

議定保護商船辦法○蘇省商船公會總理許丞念祖頃准商務總會移知奉端午帥札飭即會同將航綫區域妥爲規定並酌議保護辦法當由該丞會同商務總會蘇令錫岱妥籌一切復親赴江甯鎮江上下游周歷察勘公同議定以蘇松常鎮太等五府州爲下游歸鎮江船會經理江淮揚徐海通等六府州爲上游歸江甯船會經理凡商船願入此會領有旗牌行照無論何事均應一體保護如下游掛旗之船駛至上游界內及上游掛旗之船駛至下游界內應視同本會商船接待不得稍分畛域業已將此辦法會銜具呈午帥核示飭遵籌議開闢商場計畫○鄂督陳小帥前據候補道馮嘉錫條陳擬將省城南金沙白沙二洲及漢陽鸚鵡洲等處闢

爲商場將省城城外上游老關嘴迤北開挖一口引江水入夾塗至下游武泰閘小河以通長江於漢陽洲頭嘴疏濬舊河至河北並在鷓鴣新洲西北沿堤開河至拈花寺以通長江俾民船得避襄河流水颶風之險當經批飭藩司勸業道商場局善後局核議現已會同議覆略云請關商場一節目下粵漢川漢鐵路接踵開築商務必日漸發達預關商場自是挽回利權應即早爲規畫惟查鐵路停車地位武昌現已在金白二洲測定車站基址至漢陽鷓鴣洲地方因爲湖南本幫所佔屢次磋商收回該地建作川漢碼頭車站迄未議定是漢陽車站至今未定基址應俟川漢鐵路測勘定奪後如能將該地收回再議至另關良港俾民船得避風濤之險且獲轉輸之便實與商場相維繫馮道所陳委係確論惟長江至大軍山下直趨向南水勢湍悍如甘家河老關嘴一帶首當衝要設於長堤開挖一口兩傍修築石岸以防氾濫此事所關甚鉅工程稍不堅固即恐有潰決之虞應先飭熟悉堤工水利之員將該地勢詳細履勘河道究竟能否開通地方有無別項窒礙查明稟覆核奪方有把握實不敢輕於從事至疏河之法馮道既稱已與熟悉工程辦有成效者反覆商榷費不甚鉅而工可經久究竟此項工程約估需若干費能保固若干年須俟馮道將詳細勘估工摺呈候核發再行置議總之鐵路交通商賈輻輳市面必日臻繁盛布置商場自是及時要務惟造端宏闊工程固不易經營款項尤難於籌劃卽如武勝門外通商場地段光緒二十六年經升督張中堂飭購基址并於二十八年奏准乃武昌自開口岸迄今已逾八九年尙無款籌辦已闕之商場此時公家財力支絀更何能闢未開之商場目前粵漢鐵路北段碼頭車站測定商場兩段一旦鐵路開工卽須興築商埠經費尙未易籌若再規畫金沙白沙鷓鴣洲等處預爲佈置先購地址開河道築石岸工程浩大需費亦屬不貲此項鉅款公家從何籌給應請暫從緩議俟粵漢鐵路大工告成商務眞屬繁盛彼時僅開一堤口工程尙不難辦夾套之中上下有水流通民船卽可灣泊日後武昌商務日興再議開挖良港如馮道所議者今非其時也

第十條 凡營第二條第一項及前所定漁業以外之漁業者須稟明郡守或府尹領取牌照但漁業者係日本人應稟明日本理事廳領取牌照

第十一條 農商工部大臣應保護水產動植物之蕃殖並得發關漁業必要之取締等項命令

第十二條 凡不遵照漁業權而營第二條第一項所定規則漁業者又違背第九條第十條規則者均處以百圓

以下之罰款并將所有漁器及所採捕之物無論何人一律充公如已將採捕之物讓與別人應追繳其所得之價 漁業權停止限內有違背許可之條款而為漁業者罰同前項

第十三條 無論何項人民凡做捕漁之事作為漁業者看待可用前項罰例

第十四條 本法施行必要之詳細規則由農工商部大臣定之

第十五條 本法之施行日期以敕令頒布之日為定

第十六條 無論何項名目在施行本法之前因受漁業許可或沿舊例而營第二條第一項所定漁業者自施行

本法日起在一年之內照第二條所定規則應呈請核准如在施行本法以前領有漁業牌照者雖在施行本法

以後該牌照於期限之內均得營第九條或第十條所定之漁業

如非有前項所定規則而營第九條或第十條所定之漁業者自施行本法日起在三個月之內須照第九條或

第十條所定規則稟請許可

第一項及第三項之漁業者在未經批准以前或等候發給漁業牌照期內均可仍照前例經營其業

**濠州官礦地兩公司訂立地股合同**

一濠州礦地公司應允照濠州官礦現定之礦界三百三十方里以及將來推展之礦界隨時將開礦應用之地購

辦如數撥與濠州官礦公司作為地股即以撥地之日作為入股之期

二官礦公司應允所有開礦應用之地彼此事前會商繪圖定界概由礦地公司撥用不向他人直接租買地畝以歸劃一而符定章

三礦地公司所撥地畝議定專作開採煤礦官礦公司不得改作他用

四官礦公司每開一礦自撥地之日起限半年內必須動工倘逾期不即開採或因資本不足中輟至一年以上礦地公司除收回地畝外並令賠償相當之損失

五所撥礦地以官礦公司開辦日起停辦日止爲期限礦地公司不得無故轉撥他人官礦公司亦不得私授他人如遇有窒礙不便開採須知照礦地公司勘驗明確亦可隨時退回如所退地畝僅一部分無礙全礦工作則原定官利餘利仍應照給不得議減

六官礦公司既認地作股即自撥用之日起彼此議定地畝相當之值(應統計地價及其辦公費合并攤算)由官礦公司比照銀股一律按照常年八釐官利付與礦地公司此項官利無論官礦盈虧均須按年照付

七官礦公司除給官利外應按照農工商部奏定礦章丙字類礦在每年所得餘利內提十成之二五於銀股分息時酬與礦地公司此項餘利專以官礦銀股全額爲準不以用地多寡爲增減

八官礦公司如因開採以致虧耗及各項損失均與礦地公司無涉

九礦地公司可派人在官礦公司會計處充一職任惟此人須遵照官礦公司章程任事設未合宜應知會礦地公司另舉堪勝任者接充

十官礦公司除提官利花紅公積折舊外應將餘利按原訂章程分提不得任意贏縮

十一每年國家應徵之礦界年租由官礦公司擔任其隨地應納之錢糧則歸礦地公司認繳

十二礦地公司既以地畝撥作地股所有決議權查賬權選舉權與二千股以上之股東無稍歧異

十三礦地公司如在礦廠左近建造市房開通街衢或興辦種植及他項工廠或修築隨礦支路其應如何佈置相宜均得隨時知會官礦公司商明辦理其有關繫公益互相輔助之處隨時會商另訂細章

十四官礦公司如至停辦所有礦廠房屋等項應隨同地畝統交礦地公司收管如有他人接辦須先向礦地公司議訂地股合同方准承受倘一時無人承受而官礦公司又不將廠房等產交管則地股官利仍向官礦公司收

取

十五此合同無論彼此兩公司將來如何更變其承受接辦人均應遵守如有未盡事宜隨時會商增訂倘實有空

東督徐等奏裁撤主事筆帖式等缺援案給予出路片

初五日

憲政編查館會奏遵擬憲法大綱暨議院選舉各法並

逐年應行籌備事宜摺

初六日

度支部奏議覆江蘇學費擬於鹽斤加價勻付摺

閩督松奏高等學堂學生畢業暨出力員紳分別獎勵摺

摺

鄂督陳奏鄂省倡辦造紙釘釘各廠摺

初七日

都察院代遞候選道許珏請變通禁煙期限呈

陝撫恩奏高等學堂學生補習中學畢業請獎摺

初八日

會議政務處奏議覆農工商部奏擬畫一度量衡圖說

總表及推行章程摺

度支部會奏議覆浙撫奏浙西蘇松五屬分別正裕加

復引額等並勸諭報効銀兩以充軍用摺

江督端奏查覆大員被參各款摺

初九日

度支部奏議覆江督等奏請就已購銅斤儘數開鑄銅

元摺

又奏添設山西等省銀行片

涼州副都統玉崑奏籌辦戩莊兩防生計摺

開缺皖撫馮奏辦理皖政輯要書將告成片

初十日

學部奏酌擬各學堂畢業請獎學生執照章程摺

農工商部奏海參崴設立中華商會請給關防摺

直督楊奏請補正定府同知摺

又奏請補通州協副將片

十一日

吏部會奏遵擬改選章程摺

陸軍部會奏遣派兵艦巡歷南洋酌擬辦法摺

郵傳部奏京漢鐵路被水衝損一律修竣片

十二日

度支部會奏核議廣西加抽米穀鹽稅專充練兵經費摺

摺

十三日

民政部奏擬訂考核巡警官吏章程摺

張家口監督文奏稅務收數並辦理情形摺

十四日

順天府奏遵設禁煙局派員經理摺

又奏刊刻禁煙局木質關防片

署江北提督徐奏請普設版籍局清查戶口摺

十五日

直督楊奏復設機器製造局情形並第一屆報銷摺

熱河都統廷奏新案交代已未清結摺

十六日

農工商部奏開辦瓊崖墾礦請給關防摺

又奏閩紳請派福建商辦礦務總理摺

東陵守護大臣等奏現在捕蟲情形並飭撥銀兩摺

十七日

學部奏續擬法政學堂別科及講習科畢業獎勵章程摺

摺

又奏改定法政學堂別科課程片

又奏游學畢業生擬由部先行考核再准應考片

直督楊東撫袁奏勦平曹匪出力人員擇尤保獎摺

東督徐等奏請變通江省驛務摺

十八日

江督端奏上海報紙遵照報律辦理片

豫撫林奏添募游擊隊巡緝河南等屬片

密雲副都統德奏變通揀選官缺章程片

十九日

大理院會奏審明偽造紙幣人犯分別定擬摺

東督徐等奏江省種煙地畝請縮短期限摺

二十日

御史俾壽奏請重 詔令以肅紀綱摺

又奏請按行取舊制京外互用片

駐藏辦事大臣兼川滇邊務大臣趙奏邊藏需才擬調員任使摺

員任使摺

粵督張奏設立調查局兩辦情形片

二十一日

稅務大臣奏議覆御史常徽奏紙煙加稅應請從緩籌辦摺

辦摺

御史俾壽奏請派大小官員出洋游歷摺

又奏請特舉制科片

滇督錫奏以楊福璋試署巡警道摺

二十二日

吏部奏酌擬變通 京察事宜摺

粵督張奏各屬被水籌辦情形摺

二十三日

吏部奏議覆御史俾壽奏滿漢給事中御史升階一律

安定章程摺

都察院奏續修台規摺

二十四日

痛不欲生

廣東華壽仙先生述說如何報答韋廉士大醫生紅色補丸之深恩華君壽仙廣東新關之大寫也計供是職三十有九年因老告歸優游鄉里其所以得享遐齡者皆歸功於韋廉士大醫生紅色補丸之能力使之精神強健身體康甯焉茲將華君來翰附錄於下云○余夙患足疾兩腿腫痛莫可言喻有時痛甚竟致數日勉強臥床不能獨自行走即或偶欲動步自彼至此必須倩人左右扶持余因雙足瘋癱使全體皆受疾病痛苦不欲生自覺如此軟弱不

廣東華壽仙先生玉照



禁潛馬出涕每思己身本為靈動之軀乃竟受此酷慘之刑不得自由強作懶人何使我至於此極也余為四肢疼痛以致辦公之處未能時至公事未免廢弛雖常試服多藥多費醫資皆無效驗一日偶獲小書一本見所載韋廉士大醫生紅色補丸功效之神奇遂購服一瓶便覺大有轉機於是接連服之痛苦全消步履安詳無須賴人扶持余友見之大為詫異矣余現年六十有六身體康健精神勝常無異少時益信此誠為奇藥之大功並心感韋廉士大醫生藥局東翁之深恩甚願允許韋廉士大醫生紅色補丸用余之保證廣告於世○韋廉士大醫生紅色補丸能復新男女老幼之氣力是丸治疾有清血補血之功使全體能生潔淨有力之新血在全球中已醫治無數之疾病即如風濕骨痛 腎骨痠痛 胸膈飽悶 胃不消化 肝經

各病 頭痛頭暈 山林瘴氣 腦筋無力 諸虛百損 少年貪老 左癱右瘓 腳氣衝心 瘡疥癩疹 皮膚諸症 以及婦女經水不調 男子操勞過度等症 服是丸力能全愈 患病小孩力能強健焉 中國各處藥局商店均有代售 或直向上海九江路B字第八號 韋廉士大醫生藥局中國總發行處購買亦可 價銀每六樽大洋八元 每一樽大洋一元五角 遠近郵費一律不取

利文洋行

本行開設天津上海香港志呢華海參歲等處均設立有年諸班貨物由外洋本機器廠自造磁鑽石戒指耳墜鐲子表墜大小八音盒並留聲話匣單雙楠千里眼磁蘭磨花穿衣鏡妝梳洋鏡

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也 本行主人啟

# 啓新洋灰有限公司廣告



啓者本公司係承受唐山洋灰公司創設新廠歸併舊有之老廠擴充辦理改  
 名啓新洋灰有限公司稟奉北洋升督憲袁咨准農工商部註冊立案上  
 年購到外洋最新式機器全副去臘業已開機所出之灰據西洋化學師疊次  
 考驗拉力結力俱高出外洋之貨且機器加大出灰足敷主顧購用尚有製造  
 之缸磚花磚洋灰瓦水溝管矸子土等項無論躉零交易均可本公司總理處  
 設在天津海大道英租界先農公司對面並於北京烟台上海漢口等埠均設  
 分銷處藉廣招徠如蒙訂購交貨無不從速至價廉貨高久爲中外紳商  
 所信用不待贅述所有本公司各種磚瓦等件尺寸重量式樣及大概用法另  
 刊華洋廣告光顧諸君請向本公司索閱價值一切亦可接洽也  
 得待風一千三百九號

## 日本最近政學調查記廣告

近來游歷日本冠蓋相望日記一書浩如煙海求其見聞確實鉤玄纂要者每不多觀膠州逢  
 馥齋觀察承項城袁樞相之命赴東攷察政治游歷匝年於政治議會察裁判  
 監獄軍事學務農林漁業鐵道銀行無不各有心得洞見源流是以載筆成書原原  
 本本網羅無遺復經日本大隈伯爵高田博士贈以序文推其典麗翔實得未曾有自  
 嘉應黃氏之日本國志德清傅氏之日本圖經外得此而三久爲各當道稱許現當  
 預備立憲時代有欲研究政學者乎曷手一篇耶所印無多賜顧者請速購爲盼

寄售處

天津河北獅子林北洋官報局  
新考工場內路南教育圖書局

及各大書坊

定價大洋一元四角

## 瑞林祥元記緞洋貨莊

本號開設（北京前門外鮮魚口）（天津估衣街中間路北）（山東濟南府院西路北）等處  
 自置綢緞洋貨顧繡粧蟒花素貢絨粧緞各色抖蓬哈叻厚呢以及京廣什貨織絨綫貨各色  
 俱全貨高價廉劃一不二中外紳商賜顧移玉是幸  
 瑞林祥元記具

# 京師自來水公司提前付給官利廣告

查本公司定章二月會議三月付利原爲年終結賬盈餘紅利諸待核算現在創始工程正在開辦股東會尚未成立且未開市售水並無紅利可結現蒙 督憲按照奏案籌撥官款保息以昭大信業已如數撥到爰將各股東自交股之次日截至光緒三十四年年底所有應得八釐官利提前付給茲特與天津銀號商定代付官利辦法凡各股東有願在京城取息者不論當初係在本公司交股或在天津掛號聲明以便知會所有願在外埠原交股處取息者聽惟此埠股東或願改赴彼埠取息者須預先一個月到原埠掛號聲明以便知會所指之處屆期照付免致不能接洽現定京城自正月十六日起外埠自二月初一日起請各股東持收條迅速往換附各該處支取息銀特此廣告再所有股票業於年前分寄各交股處尙有未經換取者請股東持收條迅速往換附以奉聞

## 付利處天津銀號住址

天津北馬路 張家口下堡大新店內  
北京東安門外 上海北市後馬路興盛棧內  
保定北大街 漢口永甯巷上首胡同昇首飾店對過  
唐山大街路南

## 天津銀號廣告

本銀號代辦直隸公債所有光緒三十二三十三三十四第一二三年各期應付本利銀兩業經照數分付並廣登告白各在案茲值本年宣統元年正月杪爲公債第四年第一期期滿給還本利之期凡天津各票主請查照章程第七條持票至本銀號核取本年第一期本利銀兩且期滿之票並可任便抵納地丁錢糧鹽課關稅及各項稅捐已詳請 督憲照 奏准章程通飭各屬不准留難需索務即持票對取現銀毋得自悞再有本埠上三年到期未經支取各票本利銀兩亦可至本銀號驗票續發特此佈告

## 工商演說廣告

啓者本月十八日晚八鐘至十一鐘爲本所本年開始演說仍在東馬路宣講所內並請何子琴先生演說風水與氣等力之速率韓鏡湖先生演說輕氣球之理解李子鶴先生演說天津商業之大概宋則久先生演說學問與工商之關係務希 各工商屆時惠臨入聽不取分文特先佈告

天津勸工陳列所啓

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

## 保定法政學堂招考廣告

資格 以文理明通身體強健確無嗜好年在四十以下之各省舉貢生監及候選人員為合格本省候補人員另由 各大憲考送不在內

年限 遵照學部奏定法政學堂別科章程二年畢業

學科 遵照學部奏定法政學堂別科課程辦理

獎勵 遵照學部奏定法政學堂別科畢業獎勵章程辦理

學費 每年按月收學費洋銀叁圓分兩期繳納均於開學之先繳齊不在堂食宿操衣靴帽由堂代辦由學生備價有能照式自辦者聽

保證 入堂之先外省人取具同鄉官保結本省人取具確實舖保並繳保證金二圓

報名 自正月十六日起在保定藩署本堂報名隨帶四寸像片一張自書姓名於上無像片者概不收考限本月底截止二月初二日考試

## 京張鐵路廣告

敬啟者本路自南口至懷來山峒現已通車准於本月十六日開售客貨各票特此登報俾眾週知

## 急 開市到七年紀念少算八扣

竹材傢俱屏風  
花蔥東洋花

天津日本租界旭街

澤洋行

## 告

自正月十九日至二月十八日間

電話三百五十號